

序

宋南渡後。名臣屈指。洪氏忠宣著冰天之節。與蘇屬國爭光。其子文惠。文安。文敏。先後立朝。名滿天下。文敏尤以博洽受知孝宗。史稱其考閱典故。漁獵經史。極鬼神事物之變。所纂述有夷堅志。萬首唐詩。容齋五筆等書。學士家膾炙之。然唐絕時雜宋人之作。前輩病其龐雜。夷堅一書。吾鄉胡元瑞嘗言容齋晚歲急於成書。其門下客多取太平廣記中舊事。改易姓名以欺之。亦不復辨。由此觀之。則二書踈鑿蓋亦多矣。惟五筆係生平睹記。摺綴奚囊。久而成集。往往傳信後代。博雅之士。亟稱是書。有以哉。昔趙和仲嘗言知古莫如洪景盧。知今莫如陳君舉。讀五筆所記。寧獨知古已耶。是書向無佳刻。得者復不能全。馬巽甫博學好古。彙而梓之。兼精心慧識。長於較讎。魯魚亥豕。考核再四。人亦有言。訛如落葉。掃而愈有。巽甫刻吾知免夫。其有功載籍。豈淺鮮耶。余喜而爲之序。

古勾章謝三賓撰

舊序

書必合乎名教。君子有所取而讀者。要非無益之言也。夫天下之事。萬有不齊。而可以憑藉者。理之正事。不一而理有定在。猶百川萬折。必歸於海。否則涉於荒唐繆悠。絕類離索。以盲瞶人之耳目者。在所不取。古今馳聲於墨札之場者。噓英吐華。爭相著作。浩渺連臚。策氏藉名。不可紀極。嗜博者亦必珍如拱璧。而把玩之不輟焉。文敏公洪景廬博洽通儒。爲宋學士出鎮瀾東。歸自越府。謝絕外事。聚天下之書而徧閱之。搜悉異聞。考覈經史。摺拾典故。值言之最者。必札之。遇事之奇者。必摘之。雖詩詞文翰。歷識卜醫。鉤纂不遺。從而評之。參訂品藻。論議雌黃。或加以辯證。或繫以讚繇。天下事爲。寓以正理。殆將畢載。積廿餘年。率皆成書。名曰隨筆。謙言順筆錄之云爾。加以續筆三筆四筆。絕於五筆。莫非隨之之意。總若干萬言。比所作夷堅志支志盤洲集。踔有正趣。可勸可戒。可喜可愕。可以廣見聞。可以證訛謬。可以祛疑貳。其於世教未嘗無所裨補。予得而覽之。大豁襟抱。洞歸正理。如躋明堂。而胸中樓閣四通八達也。惜乎傳之未廣。不得人挾而家置。因命紋梓。播之方輿。以宏博雅之君子。而凡志於格物致知者。資之亦可以窮天下之理云。宏治戊午冬十月既望。巡按河南監察御史沁水李瀚書。

總序

知贛州寺簿洪公伋。以書來曰。從祖文敏公。由右史出守是邦。今四十餘年矣。伋何幸遠繼其後。官閒無事。取文敏隨筆紀錄。自一至四各十六卷。五則絕筆之書。僅有十卷。悉鏤木于郡齋。用以示邦人焉。想像抵掌風流。宛然如在。公其爲我識之。僕頃備數憲幕。留贛二年。至之日。文敏去才旬月。不及識也。而經行之地。筆墨飛動。人誦其書。家有其像。平易近民之政。悉能言之。有訴不平者。如訴之於其父。而謁其所欲者。如謁之於其母。後十五年。文敏爲翰苑。出鎮瀾東。僕適後至。濫吹朝列。相隔又旬月。竟不及識。而與其子太社樺。其孫參軍偃。相從甚久。得其文愈多。而所謂隨筆者。僅見一二。今所有大半出於瀾東歸休之後。宜其不盡見也。可以稽典故。可以廣聞見。可以證訛謬。可以膏筆端。實爲儒生進學之地。何止慰贛人去後之思。僕又嘗于陳日華煜。盡得夷堅十志與支志三志及四志之二。共三百二十卷。就摘其間詩詞雜著藥餌符呪之屬。以類相從。編刻于湖陰之計臺。疏爲十卷。覽者便之。僕因此搜索志中。欲取其不涉神怪。近於人事。資鑒戒而佐辯博。非夷堅所宜收者。別爲一書。亦可得十卷。俟其成也。規以附刻于章貢可乎。寺簿方以課最就持憲節。威行谿洞。折其萌芽。民實陰受其賜。願少留於此。他日有餘力。則經紀文敏之家。子孫未振。家集大全。恐馴致散失。再爲收拾實難。今盤洲小隱二集。士夫珍藏墨本已久。獨野處未焉。寺簿推廣隨筆之用心。願有以亟圖之可也。嘉定壬申仲冬初吉。寶謨閣直學士太中大夫提舉隆興府玉隆萬壽宮臨川何異謹序。

紀事一

元調少時就童子試於松江郡將堂邑許公通經學古人也。一語意合。或旬日再三召。恒坐列肆中。以待門啓而入。有鬻容齋隨筆者。取閱一二。則喜其聞所未聞。千錢易之。然猶未悉容齋之爲何等人。隨筆之爲何等書也。歸以告本師子柔先生。先生曰。此宋文敏洪公之所著書。其考据精確。議論高簡。讀書作文之法盡是矣。又曰。吾向從邱子成先生見此書而不全。汝亟取以來。吾將卒業焉。又曰。考据議論之書。莫備於兩宋。然北則三劉沈括。南則文敏兄弟。歐曾輩似不及也。元調謹受教。日夕浸灌其中。行李往來。未嘗不挾與之俱。壬子秋。寓長干報恩僧舍。得略識一時知名士。每集必數十人。論及古今成敗。及文章得失。忿爭不決者。元調輒片言以解。此書之助爲多。間以示玉繩周子。讀之盡卷。惘然曰。古人學問如是。吾儕窮措大。縱欲畱意。顧安所得書。又安所得暇日乎。雖然。吾來年將館丹陽荆氏。君遊踪務相近。頗載所藏書借我。已而周子入翰林爲修撰。寄語子。今不患無書可讀矣。周子謝不敏。報書吾則未暇。畱以待子。蓋戲之也。自後讀隨筆漸熟。又推其意以漸讀他書。如執權度稱量萬物。爽者鮮矣。每逢同儕。必勸令讀是書。而傳本甚少。慨然欲重梓。以公同好。去年春。明府勾章謝公刻子柔先生等集。工匠稿不應手。屢欲散去。元調寔董較勘。始謀翻刻。以寓羈縻。而所蓄本未免舛訛。適邱子成先生家鬻舊書。得向不全本。攷其序。乃宏治中沁水侍御李公瀚所刻。又從友人沈子誨借得殘落數卷。會之良合。然舛訛較所蓄本尤多。參伍是正。爲改定千餘字。仍闕其疑。明府公遂爲之序。復紀其重刻之故。以告我後人。嗟乎。二十年之

間。曩時相與讀是書者。遭逢聖明。當古平章軍國之任。元調獨窮老不遇。啜粥飲水。優游江海之濱。聊以整頓舊書爲樂事。曾不得信其舌而奮其筆。何托落之甚也。上有稷卨。下有巢由。道並行而不相悖。均之爲太平之象。亦各言其志也已矣。崇禎三年三月朔。嘉定馬元調書於僦居之紙窗竹屋。

紀事二

先文敏公容齋先生隨筆一書。與沈存中夢溪筆談。王伯厚困學紀聞等。後先並重於世。其書自經史典。故諸子百家之言。以及詩詞文翰醫卜星歷之類。無不紀載。而多所辨證。昔人嘗稱其考據精確。議論高簡。如執權度而稱量萬物。不差累黍。歐曾之徒。所不及也。考公自浙東致政歸田里後。自謂老嫗讀書不多。凡意有得。隨筆志之。初成十六卷。又續筆以至三筆四筆五筆。共七十四卷。宋嘉定中。公從孫寺簿伋。鋟木於章貢郡齋。明宏治中。沁水御史李公瀚。又嘗序而梓之。其嘉惠來學。爲讀書稽古之益者。豈爲少哉。吾家舊有此書。乃嘉定婁先生子柔。俾其門人馬巽甫氏刻而行世者。又嘗補其殘缺。訂其舛譌。流傳於今。亦已七十餘年矣。從子天爵。自嚠邑得此版而歸於瓊。其有闕失者。一一補正完好。重爲披讀。如獲重器焉。然愧學殖荒落。不能發明其萬一。而公之霑句後人者。已歷五百年所。又世爲家藏之舊。用以公諸天下。博雅嗜古之儒。未必不如瑚璉簠簋。三代法物。登之宗廟。可以觀禮。與他玩好者殊異也。公父子兄弟。忠孝大節。炳在宋史。人皆知之。又公所著有文集。唐人萬首絕句。夷堅志等書。其題跋一種。今刻於津逮祕書中。又巽甫刻有夢溪筆談。與是書如合璧。然皆天下之公物也。瓊喜是書之歸。而有光復舊物之意。因志其本末如此云。康熙三十九年春三月。族孫璟謹書。

容齋隨筆目錄

卷第一二十九則

歐率更帖

羅處士誌

唐平蠻碑

半擇迦

六十四種惡口

八月端午

贊公少公

郭璞葬地

黃魯直詩

禹治水

敕勒歌

淺妄書

五臣注文選

文煩簡有當

地險

史記世次

解釋經旨

坤動也剛

樂天侍兒

白公詠史

十年爲一秩

裴晉公禊事

司字作入聲

樂天新居詩

黃紙除書

白用杜句

唐人重服章

詩識不然

青龍寺詩

卷第二二十四則

唐重牡丹

長歌之哀

章蘇州

古行宮詩

隔是

張良無後

周亞夫

漢輕族人

漏泄禁中語

田叔

曹參趙括

信近於義

求爲可知

里仁

田千秋郅惲

戾太子

卷第三十一則

進士試題

儒人論佛書

李太白

太白雪讒

俗語有所本

鄱陽學

三女后之賢

賢父兄弟

三傳記事

張嘉貞

典章輕廢

卷第四二十三則

張浮休書

溫公客位牓

鬼宿度河

府名軍額

孟舒魏尚

秦用他國人

剛毅近仁

忠恕違道

漢采衆議

漢母后

灌夫任安

單于朝漢

和歸去來

四海一也

冉有問衛君

商頌

國忌休務

漢昭順二帝

蔡君謨帖

親王與從官往還

張九齡作牛公碑

唐人告命

李頎詩

詩中用茱萸字

馬融皇甫規

孟蜀避唐諱

翰苑親近

寧馨阿堵

鳳毛

牛米

石鼓歌過實

送孟東野序

噴嚏

野史不可信

謗書

王文正公

晉文公

南夷服諸葛

二疏贊

李宓伐南詔

浮梁陶器

卷第五二十五則

漢唐八相

六卦有坎

晉之亡與秦隋異

上官桀

金日磾

漢宣帝忌昌邑王

平津侯

韓信周瑜

漢武賞功明白

周召房杜

三代書同文

周世中國地

李後主梁武帝

詩什

易舉正

其惟聖人乎

易說卦

元二之灾

聖人汗

廿并冊字

字省文

負劒辟咄

國初人至誠

史館玉牒所

稗沙門

卷第六十九則

建武中元

帶職人轉官

上下四方

魏相蕭望之

姓氏不可考

畏無難

綠竹青青

孔子欲討齊

韓退之

誕節受賀

左氏書事

狐突言詞有味

宣髮

郝文公楚昭王

杜悰

唐書世系表

魯昭公

州縣失故名

嚴州當爲莊

卷第七十八則

孟子書百里奚

韓柳爲文之旨

李習之論文

虞世南

七發

將軍官稱

北道主人

洛中盱江八賢

王導小名

漢書用字

姜嫄簡狄

羌慶同音

佐命元臣

名世英宰

檀弓誤字

薛能詩

漢晉太常

卷第八十五則

諸葛公

沐浴佩玉

談叢失實

石罅

陶淵明

東晉將相

賞魚袋

涪溪留題

皇甫湜詩

人物以義爲名

人君壽考

韓文公佚事

論韓公文

治生從宦

眞宗末年

卷第九二十七則

霍光賞功

尺椀取半

漢文失材

陳軫之說疎

顏率兒童之見

皇甫湜正閭論

簡師之賢

老人推恩

唐三傑

忠義出天資

劉歆不孝

漢法惡誕謾

漢官名

范增非人傑

石宣爲替

三公改他官

帶職致仕

朋友之義

高科得人

辛慶忌

楚懷王

翰苑故事

唐揚州之盛

張祜詩

古人無忌諱

宰我不詐

李益盧綸詩

卷第十二十則

楊彪陳羣

袁盎溫嶠

日飲亡何

爰盎小人

唐書判

古彝器

玉藥杜鵑

禮寺失職

徐凝詩

梅花橫參

致仕之失

南班宗室

省郎稱謂

水衡都尉二事

程嬰杵臼

戰國自取亡

臨敵易將

司空表聖詩

漢丞相

祈禮不講

卷第十一 十六則

將帥貪功

漢二帝治盜

漢唐封禪

漢封禪記

楊虞卿

屯蒙二卦

漢誹謗法

誼向觸諱

小貞大貞

唐詩戲語

何進高叡

南鄉掾史

漢景帝忍殺

燕昭漢光武之明

周南召南

易中爻

卷第十二 十八則

利涉大川

光武棄馮衍

恭顯議蕭望之

逸詩書

刑罰四卦

巽爲魚

三省長官

王珪李靖

虎夔藩

曹操用人

漢士擇所從

劉公榮

元豐官制

耳餘袁劉

周末存國

曹操殺楊脩

古人重國體

卷第十三 十八則

諫說之難

韓馥劉璋

蕭房知人

俞似詩

吳激小詞

君子爲國

兌爲羊

晏子揚雄

一以貫之

裴潛陸侯

拔亡爲存

孫吳四英將

東坡羅浮詩

魏明帝容諫

漢世謀於衆

國朝會要

孫臏滅竈

蟲鳥之智

卷第十四十七則

張文潛論詩

漢祖三詐

有心避禍

蹇解之險

士之處世

張全義治洛

博古圖

士大夫論利害

舒元興文

絕唱不可和

贈典輕重

揚之水

李陵詩

大曲伊涼

元次山元子

次山謝表

光武仁君

卷第十五十九則

張文潛哦蘇杜詩

任安田仁

杜延年杜欽

范曄作史

唐詩人名不顯者

蘇子由詩

呼君爲爾汝

世事不可料

蔡君謨帖語

孔氏野史

有若

張天覺爲人

爲文論事

連昌宮詞

二士共談

張子韶祭文

京師老吏

曹操唐莊宗

雲中守魏尙

卷第十六十九則

文章小伎

三長月

兄弟直西垣

館職名存

南宮适

吳王殿

前代爲監

治盜法不同

和詩當和意

一世人材

王逢原

吏文可笑

并韶

職緯之學

真假皆妄

靖康時事

稷有天下

王衛尉

續樹萱錄

容齋隨筆

卷第一 二十九則

予老去習慣讀書不多意之所之隨即紀錄因其後先無復詮次故目之曰隨筆淳熙庚子鄱陽洪邁景廬

歐率更帖

臨川石刻雜法帖一卷載歐陽率更一帖云年二十餘至鄱陽地沃土平飲食豐賤衆士往往湊聚每日賞華恣口所須其二張才華議論一時俊傑殷薛二侯故不可言戴君國士出言便是月旦蕭中郎頗縱放誕亦有雅致彭君摘藻特有自然至如關山神詩先輩亦不能加此數子遂無一在殊使痛心茲蓋吾鄉故實也

羅處士誌

襄陽有隋處士羅君墓誌曰君諱靖字禮襄陽廣昌人高祖長卿齊饒州刺史曾祖宏智梁殿中將軍祖養父靖學優不仕有名當代碑字畫勁楷類褚河南然父子皆名靖爲不可曉拓拔魏安同父名屈同之長子亦名屈祖孫同名胡人無足言者但羅君不應爾也

唐平蠻碑

成都唐平南蠻碑。開元十九年。劍南節度副大使張敬忠所立。時南蠻大酋長染浪州刺史楊盛。頗爲邊患。明皇遣內常侍高守信爲南道招慰處置使。以討之。拔其九城。此事新舊唐書及野史皆不載。肅宗以魚朝恩爲觀軍容處置使。憲宗用吐突承璀爲招討使。議者譏其以中人主兵柄。不知明皇用守信。蓋有以啓之也。裴光庭蕭嵩時爲相。無足責者。楊氏苗裔至今猶連晟字云。

半擇迦

大般若經云。梵言扇搊半擇迦。唐言黃門。其類有五。一曰半擇迦。搊名也。有男根用而不生子。二曰伊利沙半擇迦。此云妬。謂他行欲即發。不見即無。亦具男根而不生子。三曰扇搊半擇迦。謂本來男根不滿。亦不能生子。四曰博叉半擇迦。謂半月能男。半月不能男。五曰留擎半擇迦。此云割。謂被割刑者。此五種黃門名爲人中惡趣受身處。搊音丑皆反。

六十四種惡口

大集經載六十四種惡口之業。曰。麓語。軟語。非時語。妄語。漏語。大語。高語。輕語。破語。不了語。散語。低語。仰語。錯語。惡語。畏語。吃語。諍語。翻語。誑語。惱語。怯語。邪語。罪語。啞語。入語。燒語。地語。獄語。虛語。慢語。不愛語。說罪咎語。失語。別離語。利害語。兩舌語。無義語。無護語。喜語。狂語。殺語。害語。繫語。閒語。縛語。打語。歌語。非法語。自讚嘆語。說他過語。說三寶語。

八月端午

唐玄宗以八月五日生。以其日爲千秋節。張說上大衍歷序云。謹以開元十六年八月端午。赤光照室之。